

## Taliu e pensu

Chiddu ca succeri inna stu munnu  
N'avvilisci e cunfunni li pinseri  
Pari ca giramu sempri tunnu tunnu  
Ppi circari sti valori veri.

Allura è propriu nna sti mumentu  
Calu pinseri miu v`a a na picciuttedda  
Ca curreva sutta i bombardamenti  
P'arrivari finu all'urtima vanedda

Tucculiava in ogni casa, in ogni porta  
Rialava cunfortu, mangiari e na prjera  
E macari quannu era menza morta  
E dispirati ci faceva a cammarera.

Tanti ci jenu appressu e ama vistu  
E tutti focolarini fonu ammuntuati  
Picchi siri cristiani è propriu chistu  
Aiutari 'n disgraziatu comu 'n frati

Tannu c'era picca, e picca si sparteva  
Oggi, beni i Diu d'ogni maniera  
E invece i fariri ririri cu chianceva  
N' ammazzamu comu i viteddi a fera

Stu munnu ama canciari tutti pari  
E nun'è veru ca nun si pò fari nenti  
Invece di pigghiari, pinsamu a dari!  
E di Chiara scutammo l'insegnamenti.